

COROTSÉÉTSE

Coróótsari íjcyáme éllevu Páávoru cáátúnuháámí

Duurúvaju

¹ Oo Páávoru Jetsocríjtodítýú ímiáájú pajtyéteju íjcyáné uwááboobe Píívyééberée ihdyu oke ityújkevééllédú íjcyaaabe tééné wákimyéivu pícyoóbe.

² Aabe íñe íhyaami o cáátúnuháámí muhtsi ménahbe Timotéoma méwallóó ámuha elle Coróótsari meíjcyame Críjtoke meúraavyémé múúhá nahbému éllevu. Áámeke óví Méécááni Píívyéébe ámúhakyé píaabó íbúwajíí ámuha meíjcyaki.

Cahcújtso múnáá hallúvú píáábó Páávoru táúmeíñe

³ Paíjyuvaré Píívyéébe Jetsocríjtój Caaníkyé muhtsi météhdútsohíjcyá ámúhá hallúvú dííbyema muhtsi meíhjúvacoóca. ⁴ Muuráhjáa múhtsikye úúballémé ímí Jetsocríjtoke ámuha mecáhcujtsonéllíi tsaimíyé mewájyúcatsíhíjcyáné pámeemáyé Píívyéébeéjté íjcyámema. Áánéllíi muhtsi météhdútsohíjcyá dííbyeke.

⁵ Ehdúvá ímí ámuha meícyahíjcyá íñé imíjyaú meíjcyaiñé Píívyéébe méwáábyuta níjkyejívú méénune ámuha mewáájácúnema. Muuréváhjáa Jetsocríjtodítýú pajtyéteju íjcyáné uwááboju ámuha melléébótsihdyújuco teene ámuha meítsohíjcyáne.

⁶ Ááné uwááboju muurá tsúúca tsújaavé

pahúllevávú ííñúj̄ri. Aane mítyame icyáhcujs̄tsóne ímí úráávyehíjcyá éhnée ámuha tujkénú meíjcyadu. Muuráhjáa Píívyéébe mítyane meke wájyune ámuha mewáájácúne ímí mécáhcujs̄tsóhi. ⁷ Téénevúu muurá Epáápara muhtsi wájyú menéébe ímichi ámúhake úwaabóhi. Aabe ímí Críjtoke úráávyeebe múhtsikye píáábohíjcyá ámuha múhtsikye mepíáábóiyóne. ⁸ Aabée múúhake úúballé ímí ámuha mewájyúj̄catsíñe.

⁹ Áánée muha mewáájácútsihdyu paíjyuvaré ámúhá hallúvú píáábó Píívyéébeke métáúmeíhijcyá dibye ámúhake ímíñeúvú iwáájácútsó íj̄tsaméivu. ¹⁰ Áhdurée idyé muha métáúmeíhijcyá ámúhake dibye íajcu dííbyé icyánéj̄cú ámuha meíj̄tsóíñe waajácuvu ímí dííbyeke ámuha mewáájácúne muhdú dibye ímillédú meíjcyámedityú ímiááneréjuco íbóhówaúcunúki. ¹¹ Ehdu nééné píáábó muha métáúmeíhijcyá ámúhá hallúvú Píívyéébeke dibye íhnáhoori ámúhake tsípajtsómé panévá ímítyuháñé ámuha maáábúcuhijcyaki. ¹² Aame dibye ámúhake ímíbájchóné hallúvú ímíjyuri ámuha dííbyeke metéhdúj̄tsoki. ¹³ Muuráhjáa dííbyere Píívyéébe meke ijchívyetsó Naavéné hójtsí pañétú éhne múu cúúvétsihyi íjcyadu meícyahíjcyámeke. Áánemáa meke pícyoobe mítyane iwájyube íllí avyéjuvuréjuco. ¹⁴ Dibyé muurá dsíj̄ívénej tééveri mééma ímíbájchoobe méímítyuháñé méhdi ídáátsóvénama.

Jetsocríjto dsíj̄ívénej tééveri ímí Píívyéébema meíjcyane

15 Muuráhjáa Píivýéébeke maájtyúmituube Ílli Jetsocríjtoj tééveri méhdivu bóhówaavé páñé piivýéébére íjcyáabe. 16 Diibyéhjáa muurá Jetsocríjtoj tééveri ípívyéjtsoobe páneere múhdúné tsíeméné íñújiri íjcyánéhjima íévéhóowari íjcyanéhjí maájtyumínee, maájtyúmitúnee, íjcyane. Téhduréhjáa ípívyéjtsoobe níjkyéji múnáama naavémuke páneere íavyéjútéma. Ehdúhjáa panévare ípívyéjtsoobe Íllij tééveri ténéhjiri dibye íavyéjútámeiki. 17 Aabéhjáa ihdyu Críjto ícyahíjcyá tsúúcajátújuco íjcyaduré ínéubaréikyé íjcyátúné ihdejuco. Áabe tájpi muurá íñe páneere múhdúné tsíeméné íjcyane íjcyáhi. 18 Aabe muurá dííbyé cahcújtso múnáa meijcyámé túkevéjtsoobe íñe méhniwau meke túkévétsohíjcyádú néébeé. Muuráhjáa dsíjíveebe tsiíñe bohíí téhdure medsíjívémé mebóhííñe tújkénuube. Áabekée Píivýéébe picyóó pané avyéjuubéré dibye íjcyaki. 19 Ehdúu Píivýéébe imíllé íbóhówájtsámeíñe Críjtoj tééveri. 20 Muuráhjáa páwachékevu ítyujpácýó waagóobe páneere íñe múhdúné tsíeméné íñújiri íjcyánema íévéhóowari íjcyanéhjí ímíbbáavyeki, téhdure tsaímíyé míamúnáa Píivýéébema íjcyaki. Aanée Píivýéébe ímí íjtsúcunúhi.

21 Muuráhjáa íhde ámuha Píivýéébeke mémúnáátsohíjcyá ímityúné ámuha meméenuhíjcyánéllíhye. Árómeke tsúúca ámúhakyé ímíbbájchómeke újcuube tsaímíyējuco ámuha dííbyema meijcyá Críjtóo míamúnáájpidívú ípíivýéévéne dsíjívénej tééveri. 22 Ehdúu méénuube íñe

imítyú máhallúrí íjcyájúcootúmé tsaímíyējuco menéémeke iújcuki. ²³ Áánéllii ámúhake o nées íínevú táhjátsámeítyúmé tsaímíyé ámuha meúráávye muhdú mepájtyetéeíñe úwááboju tsúúca ámuha mewáájacúne. Áané úwááboju muurá íñe úwááboobéré o péhijcyané tsúúca ííñújiri pahúllevávú tsújaavéhi.

Cahcújtso múnáá píááboobe Páávoró

²⁴ Áánéllii ó imíjyúú ámúhake o píáábóné wákimyéi o méénúneri o ícúbáhrámeíyoóbe. Ehdúu muurá Críjto mewájyuri ícúbáhrámeídyújuco o ícúbáhrámeíhijcyáne. ²⁵ Muuráhjáa Píívyéébe oke níwaavénéjuco íñe cahcújtso múnáake o píáábohíjcyáne. Aabe ámúhake ó úwáábohíjcyá tene íjcyadújuco. ²⁶ Muuráhjáa tsúúcajátújuco díbye pítyájcámeíñe tsá múha wáájacuhíjcyatúne. Méíhdé múnáaúvúhjáa íjcyarómé tsá wáájacutú teéne. Áánevu íñe ícyooca tsúúca meke waajácútsoobe ihñéjté meíjcyámeke. ²⁷ Aane Críjto mééma íjcyáneri tsúúca méwaajácú tsaímíyé Píívyéébé avyējuri meíjcyáíñe. Eene muurá wáájacúratúné íjcyanévéú imíllebe téhdure ámúhake iwáájacútsóné jodíómú ámuha meíjcyátúróméke.

²⁸ Aane íñe muha méúwáábohíjcyá pámeekéré panévaturé túkévéjtsoméré ditye Críjtoj tééveri éhniíñevu iwáájacúne ímiááméré Píívyéébema íjcyaki. ²⁹ Áánéllii muurá íñe ávyetá ihnáhó ó úwáábohíjcyá ícúbáhrámeííbyéré Críjto oke píáábóneri.

2

¹ Aane ó imíllé ámuha Raoditséá cóómi múnaa tsijtye oke wáájácútúrómemama mewáájacúné ávyétá ihnáhó ámúhá hallúvú píáábó o táúmeíhijcyané Píívyéébeke ímíñeúvú ámuha Críjtoke meuráávyeki. ² Aabe ó imíllé ámuha tsaímíyé mewáájycatsíñe ímíñeúvú mewáájacúné muhdúhjáa Píívyéébe mééma Críjtoj téeveri wáájácúratúné méénuhíjcyáne. ³ Dííbyedi ihdyu páneere ímiá tujkéveju ijcyáhi. ⁴ Ehdu íñe ámúhakye ó téíbúwátsohíjcyá tsaate ámúhakye iállíñeri imújtátsótuki. ⁵ Muurá tsá ámúhama elle o íjcyáturóne. Áronáa ámúhama ó ijcyá táíjtsaméiyi. Áanéllii ó imíjyúú ímí ámuha Críjtoke mecáhcujtsómé tsaímíyé meíjcyáneri.

⁶ Aame muhdúhjáa ámuha tujkénú dííbyeke mecáhcújtsóijyu meíjcyadu tsahtúré ímíñeúvú meíjcyá dííbyema. ⁷ Ahdícyane ímíñeúvú mecáhcújtsóóbedívú meíhvéjtsámeíñe paíjyuvaré Píívyéébeke météhdútsohíjcyá muhdúhjáa ámúhakye o úwaabódu.

Críjtoke cáhcujtsómé tsíhdyuréjuco íjcyane

⁸ Téíbúwá tsáma meíjcyaco tsaate íjtsaméityúré iújcúné uwáábori ámúhakye imújtátsótuki. Muurá míamúnáa íjtsaméityúré tsáane méénuhíjcyáme. Tsá Críjtodítyú tsáané íjtsaméiyi dítye úwáábohíjcyatúne.

⁹ Muurá muhdú Píívyéébe íjcyane méwaaajácú Críjto míamúnáajpidívúu ípívyéévéébej téeveri.
¹⁰ Aabe muurá páneere níjkyéji múnaa

naavémuu, íjcyámé éhnníñevu íhtsútuúbe. Áánéllii dííbyema meíjcyámema téhdure íjcyaaabe Píívyéébeé. ¹¹ Aabe tsúúca ámúhakeye íjchívyetsó ímityúnetu Críjto ámúhama íjcyánéllíihye. Tsá idyé mekíhdyahírótsámeíñeri meímíbbáavyetúne. Muurá ihdyu Críjtoj tééveríyé meke ímíbájchoóbe. ¹² Muuráhjáa metsójtsótsámeíñeri ménaavénú dsíjívéebekée ditye cúúune. Ááneríi méúújetsó íhdée múhdurá meícyahíjcyané tsúúca meíhvejtsóne. Aame ícyooca tsíhdyuréjuco mee Píívyéébeé íhnnáhoori bóhíítsóóbeke mecáhcújtsónema. ¹³ Muuráhjáa éíjyu ámuha éhne múu dsíjívemédú meícyahíjcyá ámuha ímityúné meícyahíjcyané meíhvéjtsótúnéllíihye. Árónáa ícyooca tsúúca Píívyéébe ámúhakeye ímíjpyetétsó téénetu Críjtoj tééveri ámúhadi ídáátsóvéenema. ¹⁴ Muuráhjáa dííbyé taúhbaju néhdu meíjcyátúné déjúcotu méhdi ícúbáhráíyoóbe. Áronáacáa mééma ímíbájchoobe Ílli Críjtoke ditye páwachékevu wátyétyéhcuube dsíjívénej tééveri. Ehdúu mééma ímíbájchoobe mewágóóóvéíyónetu meke ípájtyetétsoki. ¹⁵ Muuráhjáa páwachékevu ditye wátyétyéhcuube Críjto ídsíjíveneri tsúúca tahjá Naavéneke íhyájkímumájuco. Áánetu méwaajácú tsúúca ditye táhjátsámeíñe.

Níjkyéjéneri metsúúráméíñe

¹⁶ Ahdícycane méíícúvedí tsaate ámuha memáchohíjcyánéhjitu íhgyúváneeri. Áhdure méíícúvedí eene béébe nuhba íjchívyécooca ditye

wáñehjívátéhjycyáneri ámuha meíícúvétúneri ditye ámuhádi íhjúvahjycyáneri. Áhdure méíícúvedí kéjcoojí Píívyéébeke idyúúrvahjycyáneri ditye íhjúvahjycyáneri. ¹⁷ Éhduhjíikyée muurá meméénúneri Píívyéébeke méúráávyehjycyáhi. Ááneríhjáa ménaavénuhjycyá Críjtoke dibye méhdivu bóhówáávétúné hajchóta. Árónáa ícyooa tsáhájucó tehdu meméénújúcootú tsúúca dibye mééma íjcyánéllíhýe. ¹⁸ Ahdícyane tsáma máállítsámeídí eene níjkyéji múnáakévá ámuha medúúrvátúhajchíí ámuha mewágóóóveíñé tsaate ímiááneúvúdú úwáábohjycyámedívu. Muurá iwáájácutúnéré bañúháñé méénuhjycyámé naavéváa díityédívú bóhówáávéné pañe íajtyumíne. Ehdu imyéénúne pánehjídú ícyahjycyámé ídáátsóméhjíúvu. Árónáa mítyákímyeíhijycyámé iíye íjtsámeíñé imyéénúneri. ¹⁹ Ááne díibyējuco Críjto ítyúkevétsoobe íjcyáíyóóbedi tsá ditye íícúvehjycyatúne. Muurá dííbye tájpíyé méijcyá dííbyeéjté meícyame. Aame méúráávyehjycyá Píívyéébeke muhdú dibye ímillédú dííbyé píááboríye.

²⁰ Muuráhjáa mewájyuri dibye dsíjívéné ámuha mecáhcújtsóneri tsúúca métahjá míamúnáa íjtsaméi állíuré íjcyane. Aame ámuha ténejcu mewáájacújúcóótúnéllí méijcyá ténejcútú éhne múu dsíjívemédu. Árónáa ¿íveekí Píívyéébeke wáájácutúmé íjcyadu ámuha íjienévú métahjátsámeíhijycyáhi? ²¹ ¿íveekí majchóháñetu ámuha mébóícyúcatsíhijycyáhi? Óvíjyacóóné ehdu

ámuha meíllívyééébócatsíhijcyáne. ²² Muurá ténéhjitú ámuha mebóícyúcatsíhijcyaróné ijcyá memájchoki. Muurá míamúnáá íjtsaméityúré tsááne ámúhake úwáábohíjcyáme. ²³ Aane pánehjídú meke báñuhíjcyá ímíááne ímí Píívyéébeke dítye úráávyéúvúdu. Muurá itsúcunúhijcyámé íícúbáhrámeíñe idáátsóméhjívú íjcyáneri tehdújuco Píívyéébeke íavyéjútsohíjcyáne. Áronáa tsá díityéké tene píáábotú dítye íímíáavyeki.

3

¹ Ahdícyane Críjtóo dsíjíveebe tsiíñe bóhíínej tééveri ímityúmé ámuha meícyahíjcyánetu tsúúca meíjchivyémé métsúúraméí níjkyéjéne íjcyáneri dííbyeke ámuha meíícuvémé dííbyema Cáání úníúvú maávyéjuutéki. ² Áánéllíi tééneriyé métsúúraméí. Óvíjyacóóné ííñújéne. ³ Tsúúca muurá ámuha Críjtoke mecáhcujsómé Píívyéébeéjtéréjuco meíjcyame ténejcúrí meíícuvéjúcóótúnéllíi ámuha ténejcútú meíjcyá dsíjívemédu. ⁴ Aabe muurá tsiíñe tsáácooca dííbyema tsaímíyé meíjcyáá íavyéjuri.

Tsihdyuréjuco meíjcyane

⁵ Ahdícyane ílluréjuco méihvéjtsó páneere ímityúné ámuha meméénuhíjcyáne. Óvíjyacóóné íhdícyáméhjima ámuha medómácócatsíhijcyáne. Áhdure tsíñehjí ámúhake tútávájtsóíyóneri ámuha meúmúúpívyehíjcyanéjji ílluréjuco méihvéjtsó. Áhdure mítyane ámuha meéhnéváíyóneri meítsáméíhijcyáné méihvéjtsó. Muurá níjcyotájteke medúúruváné ímityúné íjcyáné tujkévéenéré

teéne. ⁶ Ehdu nénehji lléébotúmé méénuhíjcyámedi ihnáhooíñé Píívyéébe ícúbahráne. ⁷ Tehdúu muurá nénehji téhdure ámuha méméénuhíjcyáhi. ⁸ Árone ílluréjuco méihvéjtsó ámuha mecááyóbahíjcyáne, ímityúné ámuha medáííwécatsíhíjcyáne, néhni ámuha menéáyócatsíhíjcyáne, núcójpítsó nénehji ámuha meihjyúvahíjcyáne. Énehji panévaré ílluréjuco méihvéjtsó. ⁹ Ténéhjitú tsúúca ámuha tsíñejcúriyéjuco meíjcyame tsáhájucó múu álliúúnújcatsítyúne. ¹⁰ Métsúúraméí éhniíñevu ámuha meímíjpyetéíyóneri ímíñeúvú ámuha Píívyéébeke mewáájácu dííbyedu ímiáámeréjuco ámuha meíjcyaki. Muurá ímiááné tsúúca ámuha tsíhdyuréjuco. ¹¹ Tsá dííbyeéjté meíjcyatú jodíómú meíjcyánéllíihye. Muurá ihdyu pamévaré dííbyeéjté íjcyá jodíómú íjcyáturómé kíhdyahírótsámeíturóme, tsííñé íñújííne múnaa íjcyaróme, ííneúbará wáájácúturóme, tsaaté únú múnaa íjcyaróme, tsaatéúbámáyé wákímyeíturóme. Muurá pámeere Críjtoke mecáhcujsómé tsahturé dííbyeéjté meíjcyáhi.

¹² Muuráhjáa Píívyéébere ámúhakye ujcú mítyane ámúhakye iwájyúnéllíi dííbyeéjté ámuha meíjcyaki. Aame múu ímiánejcúvú íjtsaméí icyápáyóóvéne wajyújcatsíhi, píáábójcatsíhi, ídáátsóméhjíúvú íjcyáhi, ímiááméré pamévamáyé íjcyáhi, ámuha meícúbáhrámeíyonéhjí aabúcúhi. ¹³ Ááne múu tsáijyu múhdurá ámúhama pájtyéronéhjí ímíbáchójcatsí ídaatsólléjcatsíñe Críjtóo méhdi ídáátsóvéne meke ímíbajchódu. ¹⁴ Áhdure múu

éhnííñevu wajyújcatsí tsaímíyé ámuha meíjcyá íínevú táhjátsámeítyúme. ¹⁵ Áámeke ihdyu óví ámúhake Píívyééberéjuco túkëvejtsóne. Muurá ímíllebe Críjtoj tééveri ámúhake ipíaabóné ímí tsame meíjcyaki.

¹⁶ Ááné hallúvú múu dííbyeke ityéhdújtsóne ímíjyuuri duurúvahíjcyá ámúhá íbuúúnetu íjchívyéne májtsiyi. Aame ihdyu wajácúnejcútsi meíjcyáne méúwáábohíjcyá Críjtó uwááboju ámúhá pañe íjcyane tsápítsójcatsímyére. ¹⁷ Panéváré múu ñná imyéénunee, ííhjuváne, íjcyane méénuhíjcyá muhdú ímíááné Ávyéjuube Jetsóoéjté meíjcyame meméénúiyódú téené hallúvú Méécááni Píívyéébeke dííbyej tééveri téhdújtsomére.

Muhdú cahcújtso múnaa íjcyane

¹⁸ Ámuúha walléémuj, tsúuca Ávyéjuube Críjtó uráávyé múnaa ámuha meíjcyame múu avyéjuullé ámúhá tajímuke. ¹⁹ Áhdure idyé ámuha wajpímú múu wajyú ámúhá taabámuke. Tsá múu ímityúné dáríívéjcatsítyúne.

²⁰ Áhdure tsíime mécahcújtsó ámúháj caanímuke. Ehdu muurá ámuha meíjcyane Píívyéébe ímílléhi. ²¹ Áhdure ámuha cáánimu tsá múu ámúháj tsíimeke úmécójtsotú ditye ityútáváávétuki.

²² Téhdure idyé tsáné avyéjújtémá wákímyeímyé múu cáhcujtsó diityéke. Tsá múu ditye íítérokíyé tsaímíyé wákímyeítyúne. Múu Píívyéébeke íávyejúúlléne tsaímíyé wákímyeíhi. ²³ Áhdure panéváré ñná ámúhá wákímyeí íjcyane múu meenú ímííñevú óvéheetúmé dííbyeke ámuha

meíícuvénéjuco. ²⁴ Muurá tsúúca ámuha méwaajácú Máavyéjuube Jetsocríjtoke meíícúvéne áhdó dibye meke újcuíñé íavyéjuvu tsaímiyéjuco dííbyema meíjcyaki. ²⁵ Áánetu ímityúné íjcyámeke téhdure ájcúíibye tééne áhdovu. Muurá Píívyéébe meke pámeekéré tsahtúré wájýúroobe áhdoó muhdú meícyahíjcyádújuco.

4

¹ Aabe níjkyéjiri íjcyaaabe Máavyéjuube meke íítehíjcyá muhdú meíjcyane. Áánéllii múu ávyéjujte íjcyame ímíñeúvú íwákimyéi múnáake picyóó ícúbáhratúme.

² Ahdícyane múu téíibúwá íjcyáne pájyuvaré Píívyéébeke píáábó táúmeíhijcyá óóchévetúme panévá hallúvú téhdújtsomére. ³ Téhdure múúhá hallúvú métáuméi dibye múúhake píáábónej péévé múúhake múha ñná néétume éhniíñevu míamúnáake muha meúwáábo Críjtóo mééma pajtyéteju méénune. Teene o úwáábohíjcyané hallútú muurá íñe ícyooca oo cúvéhóójari. ⁴ Áánéllii ámúhake o néé táhallúvú píáábó ámuha Píívyéébeke metáúmei dibye oke ipíáábo míamúnáake téénevu o wáájácútsoki.

⁵ Téhdure ámúhake o néé panévatúré ímiááméré ámuha meíjcyáne cahcújtsó múnáa íjcyátúmeke tééjuvu mewáájácútsoki. ⁶ Aame ihdyu múu ímíñeúvú ihjýúvahíjcyá tsaate ámúhake díllócooca tsaímíyé diityéké ámuha meúúbálleki.

Páávoró pítyajcóné

7 Ahdícyané óvíi ménahbe Tííkico ámúhakyé táuubállé meenú dííbyema muhtsi Ávyéjuube Jetsocríjtó wákimyéí meméénuhíjcyaaábe. Diibye muurá oke tsaímíyé tééné wákimyéityu píáábohíjcyáhi. 8 Áábeke ámúha éllevu ó wallóo ámúhakyé tsápíjtsoobéré iúúbálle muhdú ílle muha meíjcyane. 9 Áábema téhdure tsaapi ménahbe ímiáábé íjcyaaabe Onéétsimo péé ámúhadítyúu tsáábeé. Aamútsí óvíi ámúhakyé úúballé páneere muhdú ílle íjcyane.

10 Áánetu íñe dííbyema muhtsi cúvéhóójari meíjcyaaabe Arijtáácó ámúhakyé dúúruváné ámúhakyé ó úúballéhi. Áhdure Benabéé nahbe Máácó uubállé ámuha wájácú menéébe ámúhakyé duurúváhi. Aabe ámúhakyé ááhívetéhajchíí ímíñeúvú méwaatsúcuco. 11 Téhdure idyé Jetsóo dííbyere 'Jójtoó' némeíbyé ámúhakyé duurúváhi. Éhdume tamúnaa jodíómudítyú cahcújtso múnaa íjcyame oke píáábohíjcyá Píívyéébé avyéjú wákimyéí o méénúnetu. Aame oke mítyane tsápítsohíjcyáhi. 12 Téhdure ámúhadítyúu tsáábe Epáápara Críjtó wákimyéí méénuhíjcyaaabe ámúhakyé duurúváhi. Téhdure ámúhá hallúvú mítyane píáábó Píívyéébeke táúmeíhíjcyaaabe ámuha tsaímíyé dííbyeke meúráávyé muhdú díbye ímillédu. 13 Aane ímiááné ó waajácú ámúhá hallúvú mítyane píáábó díbye táúmeíhíjcyáne. Téhdure Raoditséá cóómíyi íjcyámema Hierááporíyí íjcyámé hallúvú táúmeíhíjcyaaábe. 14 Téhdure wájyú menéébe taabóóbé Róócáma Déémámutsi ámúhakyé duurúváhi.

15 Áhdure táicyánéjcutu Raoditséari íjcyame ménahbémuke o dúúruváné méuubáalle. Áhdure Níhpáke pámeere dííbye jávú dóbéévehíjcyané cahcújtso múnáama o dúúruváné méuubáalle.

16 Aane íhyaami ámuha éllevu o wálloháámí ámuha meéévééné boone méwállooco diitye Raoditséari íjcyané cahcújtso múnáa éllevu téhdure ditye íééveki. Áhdure téhullétú ámuha éllevu ditye wálloháámi ímíñeúvú méééveco. 17 Áánetu Akíípoke mene díbye ímíñeúvú iníjkéva Píívyéébéé dííbyeke pícyóóné wákimyéi.

18 Ehdu íñe ámuhake pámeekéré o dúúruváné ó caatúnú páñetu oóre. Áábeke ihdyu oke máábájíívedí íñe cúvéhóójari o íjcyáábeke. Áhdícyane óví Píívyéébe ámuhake píaabóhi. Áyu tehdújuco.

Píívyéébé ihju: jetsocríjyodítyú cáátúnuháámi
New Testament in Bora (PE:boa:Bora)

copyright © 2008 Wycliffe Bible Translators, Inc.

Language: Bora

Translation by: Wycliffe Bible Translators, Inc.

Boara [boa], Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Bora

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files
dated 29 Jan 2022

6f878dbd-e896-5e27-b788-1442926dfc48